

**<<< ԼՈՌՈՒ ՄԱՐԶԻ ՍՏԵՓԱՆԱՎԱՆԻ ՀԱՄԱՅՆՔԱՊԵՏԱՐԱՆԻ ԱՇԽԱՏԱԿԱԶՄ >>  
ՀԱՄԱՅՆՔԱՅԻՆ ԿԱՌԱՎԱՐՉԱԿԱՆ ՀԻՄՆԱՐԿԻ ԿԱՐԻՔՆԵՐԻ ՀԱՄԱՐ ՍՏԵՓԱՆԱՎԱՆ  
ՀԱՄԱՅՆՔԻ ԿԱՆԱԶԱՊԱՏՄԱՆ ԱՇԽԱՏԱՆՔՆԵՐԻ ԿԱՏԱՐՄԱՆ**

**ԳՆՄԱՆ ՊԱՅՄԱՆԱԳԻՐ  
N ՀՀ-ԼՄՍԿ-ԳՀԱՇՁԲ-19/01**

«19» ապրիլի 2019 թ.

h. Ստեփանավան

<<Հայաստանի Հանրապետության Լոռու մարզի Ստեփանավանի համայնքապետարանի աշխատակազմ>> համայնքային կառավարչական հիմնարկը, ի դեմս համայնքի ղեկավար Միքայել Ղարաքեշիշյանի, որը գործում է համայնքապետարանի կանոնադրության հիման վրա, (այսուհետ՝ Պատվիրատու), մի կողմից, և <<ԷՔՍԿԼՅՈՒԶԻՎ ՍԵՐՎԻՍ>> ՍՊԸ-ն, ի դեմս տնօրեն Մարտիրոս Ճավրուշյանի, որը գործում է ՍՊԸ-ի կանոնադրության հիման վրա (այսուհետ՝ Կատարող), մյուս կողմից, կնքեցին սույն պայմանագիրը հետևյալի մասին:

**1. ՊԱՅՄԱՆԱԳՐԻ ԱՌԱՐԿԱՆ**

1.1 Պատվիրատուն հանձնարարում է, իսկ Կատարողը ստանձնում է Ստեփանավան համայնքի կանաչապատման աշխատանքների կատարման պարտավորությունը (այսուհետ՝ աշխատանք)՝ համաձայն սույն պայմանագրի (այսուհետ՝ պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Աշխատանքը կատարվում է պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

**2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ**

**2.1 Պատվիրատուն իրավունք ունի՝**

2.1.1 Ցանկացած ժամանակ ստուգել Կատարողի կողմից կատարվող աշխատանքի ընթացքը և որակը՝ առանց միջամտելու Կատարողի գործունեությանը.

2.1.2 Եթե կատարվել է պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող աշխատանք.

ա) Չընդունել աշխատանքը՝ իր հայեցողությամբ սահմանելով անպատշաճ որակի աշխատանքը պայմանագրին համապատասխանող աշխատանքով անհատույց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել պայմանագիրը կատարելուց և պահանջել վերադարձնելու աշխատանքի համար վճարված գումարը և պահանջել Կատարողից վճարելու պայմանագրի 5.2 կետով նախատեսված տուգանքը.

2.1.3 Միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝

ա) կատարված աշխատանքը չի համապատասխանում պայմանագրի N 1 հավելվածով սահմանված պահանջներին,

բ) խախտվել է աշխատանքի կատարման ժամկետը:

**2.2 Պատվիրատուն պարտավոր է՝**

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան կատարված աշխատանքի արդյունքը, իսկ աշխատանքի արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Աշխատանքի արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև պայմանագրի 5.5 կետով նախատեսված տույժը:

**2.3 Կատարողն իրավունք ունի՝**

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից պայմանագրի 4.2 կետում նշված ժամկետի խախտման դեպքում նաև պայմանագրի 5.5 կետով նախատեսված տույժը:

## 2.4 Կատարողը պարտավոր է՝

2.4.1 Պայմանագրի N 1 հավելվածով սահմանված պայմաններով ապահովել աշխատանքի կատարումը՝ ղեկավարվելով գործող օրենսդրությամբ:

2.4.2 Պայմանագրով նախատեսված դեպքերում վճարել պայմանագրի 5.2 և 5.3 կետերով նախատեսված տույժը և տուգանքը:

2.4.3 Պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

## 3. ԱՇԽԱՏԱՆՔԻ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Կատարված աշխատանքը ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Աշխատանքը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով աշխատանքի կատարման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ աշխատանքը Պատվիրատուին հանձնելու փաստը ֆիքսող փաստաթուղթը (հավելված N 3.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է [www.procurement.am](http://www.procurement.am) հասցեով գործող կայքի «էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 3): Ընդ որում Կատարողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է [www.procurement.am](http://www.procurement.am) հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

3.2 Եթե կատարված աշխատանքը համապատասխանում է պայմանագրի պայմաններին, Պատվիրատուն պայմանագրի 3.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 1 աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

3.3 Եթե կատարված աշխատանքը կամ դրա մի մասը չի համապատասխանում պայմանագրի պայմաններին, ապա Պատվիրատուն չի ստորագրում հանձնման-ընդունման արձանագրությունը և սույն պայմանագրի 3.2 կետում նշված ժամկետում էլեկտրոնային գնումների armeps համակարգի միջոցով Կատարողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Պատվիրատուն ձեռնարկում է նման իրավիճակի համար պայմանագրով նախատեսված միջոցները և Կատարողի նկատմամբ կիրառում է պայմանագրով նախատեսված պատասխանատվության միջոցներ:

3.4 Եթե պայմանագրի 3.2 կետով սահմանված ժամկետում Պատվիրատուն չի ընդունում կատարված աշխատանքը կամ չի մերժում դրա ընդունումը, ապա կատարված աշխատանքը համարվում է ընդունված և պայմանագրի 3.2 կետով սահմանված վերջնաժամկետին հաջորդող աշխատանքային օրը Պատվիրատուն էլեկտրոնային գնումների համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը:

## 4. ՊԱՅՄԱՆԱԳՐԻ ԳԻՆԸ

4.1. Պայմանագրով Կատարողի կատարման ենթակա աշխատանքի գինը կազմում է **6739370(վեց միլիոն յոթ հարյուր երեսունինը հազար երեք հարյուր յոթանասուն) ՀՀ դրամ:**

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Աշխատանքի կատարման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն կատարված աշխատանքի դիմաց վճարում է ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված չափերով և ամիսներին: Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 20-ը:

## 5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում աշխատանքի կատարման՝ սույն պայմանագրի պահանջների պահպանման համար:

5.2 Պայմանագրի N 1 հավելվածում նշված տեխնիկական բնութագրին չհամապատասխանող աշխատանք կատարելու յուրաքանչյուր դեպքում Կատարողից գանձվում է տուգանք՝ պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով<sup>1</sup>:

5.3 Պայմանագրով նախատեսված աշխատանքի կատարման ժամկետը խախտելու դեպքում Կատարողից յուրաքանչյուր ուշացված օրվա համար գանձվում է տույժ՝ կատարման ենթակա, սակայն չկատարված աշխատանքի գնի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են աշխատանքը կատարելու արդյունքում Կատարողին վճարման ենթակա գումարների հետ:

5.5 Պատվիրատուի կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

## 6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված Համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

## 7. ԱՅԼ ՊԱՅՄԱՆՆԵՐ

7.1 Սույն պայմանագիրն ուժի մեջ է մտնում կողմերի ստորագրման պահից և գործում է մինչև կողմերի սույն պայմանագրով ստանձնած պարտավորությունների ողջ ծավալով կատարումը:

7.2 Պայմանագրից ծագած՝ կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

<sup>1</sup> Պայմանագիրը «Գնումների մասին» ՀՀ օրենքի 15-րդ հոդվածի 6-րդ կետի հիման վրա կնքված լինելու դեպքում տուգանքը հաշվարկվում է պայմանագրի գնի այն մասի նկատմամբ, որի համար տվյալ տարվա ընթացքում հարկացվել են ֆինանսական միջոցներ և կնքվել է համաձայնագիր:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող աշխատանքի ծավալների կամ ձեռք բերվող աշխատանքի միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.6 Աշխատանքի կատարման ժամկետը կարող է երկարաձգվել մինչև պայմանագրով այդ ժամկետը լրանալը՝ Կատարողի առաջարկության առկայության դեպքում՝ պայմանով, որ Պատվիրատուի մոտ չի վերացել աշխատանքի օգտագործման պահանջը: Ընդ որում սույն կետով սահմանված դեպքում աշխատանքի կատարման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

7.7 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.8 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով աշխատանքի կատարման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով աշխատանքի կատարման համար անհրաժեշտ ֆինանսական հատկացումների նվազեցումը:

7.9 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է [www.procurement.am](http://www.procurement.am) հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից:

7.10 Պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.11 Պայմանագիրը կազմված է 4 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 2, N 3 և N 3.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.12 Սույն պայմանագրի նկատմամբ կիրառվում է Հայաստանի Հանրապետության իրավունքը:

## 8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

### Պ Ա Տ Վ Ի Ր Ա Տ ՈՒ

«Հայաստանի Հանրապետության Լոռու մարզի Ստեփանավանի համայնքապետարանի աշխատակազմ»  
համայնքային կառավարչական հիմնարկ  
հ.Ստեփանավան, Սոս Սարգսյան փ/շ/ 1  
«Ֆինանսների նախարարության գործառնական վարչության»  
ՀՀ900252101473  
ՀՎՀՀ 06954104



(ստորագրություն)

Կ.Տ.

### Կ Ա Տ Ա Ր Ո Ղ

«ԷՔՍԿԼՅՈՒՋԻՎ ՍԵՐՎԻՍ»ՍՊԸ  
ք.Ստեփանավան Վիրահայրց մայրուղի 2.7  
«ՎՏՔ - Հայաստան բանկ» ՓԲԸ Ստեփանավանի  
մ/6

ՀՀ16033017923700

ՀՎՀՀ 06946837



(ստորագրություն)

Կ.Տ.

Անհրաժեշտության դեպքում պայմանագրի նախագծում կարող են ներառվել ՀՀ օրենսդրությանը չհակասող դրույթներ:

ՏԵԽՆԻԿԱԿԱՆ ԲՆՈՒԹԱԳԻՐ - ԳԼՄԱՆ ԺԱՄԱՆԱԿԱՑՈՒՅՑ\*

ՀՀ դրամ

Աշխատանքի								
հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	տեխնիկական բնութագիրը	չափման միավորը	միավոր գինը/ՀՀ դրամ	ընդհանուր գինը/ՀՀ դրամ	ընդհանուր քանակը	կատարման	
							հասցեն	Ժամկետը**
1	77311600	Տես ներքևում	Տես ներքևում	Տես ներքևում	6739370	Տես ներքևում	հ. Ստեփանավան	Պայմանագրի կնքման օրվանից մինչև 31.10.2019թ.

\* աշխատանքի կատարման վերջնաժամկետը չի կարող ավել լինել, քան փվյալ փարվա դեկտեմբերի 15-ը:

**Ձեռքբերվող աշխատանքի նկարագիր**

Հ/Հ	CPV կոդեր	Աշխատանքի անվանումը	Տեխնիկական բնութագիրը	Չափի միավորը	Քանակը	Միավորի արժեքը	Ընդհանուր
<b>Խոտածակեր, սիգամարգեր ծաղկանոցներ , դեկորատիվ կոմպոզիցիաներ</b>							
1	77311600	Տարածքների մաքրում, փոցխում, աղբի հավաքում, տեղափոխում, հողի փորում փխրեցում:	Տարածքները որոնք ընտրված են թփապատման և ծաղկապատման համար անհրաժեշտ է մաքրել աղբի, չորացած նստվածքային խոտամնացուկների, չորացած ճյուղերից և տերևներից: Հավաքված աղբը անհրաժեշտ է բարձել ավտոինքնաթափ և տեղափոխել աղբավայր: Ծաղկանոցների և կոմպոզիցիաների տարածքները անհրաժեշտ է մաքրել աղբից չորացած տերևներից և հնուկներից, աղբը բարձել ինքնաթափին և տեղափոխել աղբավայր: Հողը փորել ձեռքով, փխրեցնել, հարթեցնել փոցխերի օգնությամբ տալով անհրաժեշտ կոմպոզիցիոն տեսք:	քմ	23400	13	304200
2	77311600	Ծաղիկների ձեռք բերում, տնկում (սերմեր, սածիլ, տնկի) տեղափոխումով:	Ծաղկատեսակները և սածիլատեսակները սերմնացանվում կամ սածիլատնկվում են ըստ պահանջվող ծաղկապատման կամ կոմպոզիցիոն ձևավորման: Ծաղիկները կարող են լինել պիտունյա, անյուտկինի գլազկի, վարդ, ցինա-գունավոր, աստրա: Սածիլները և տնկիները պետք է ունենան տեսակին համապատասխան բարձրություն և ցողունի հաստություն, ապահովելով պահանջվող գունային և քանակային առկայություն:	քմ	2600	490	1274000

3	77311600	Ծաղկանոցների խնամք, քաղիան, ոռոգում և պայքար վնասատուների դեմ:	Ծաղկանոցները անհրաժեշտ է խնամել ագրոտեխնիկական պահանջներին համապատասխան, ոռոգել ելնելով եղանակային պայմաններից, հիվանդությունների և վնասատուների դեմ պայքարը իրականացնել համապատասխան մասնագիտական և ռեսուրսային մոտեցմամբ :	քմ	2600	270	702000
4	77311600	խոտածածկ տարածքներ ի վնասված տեղամասերի վերականգնում:	Վերականգնում պահանջող տարածքները փխրեցնել, սերմնացանել կամ ճմբապատել, իրականացնել անհրաժեշտ ոռոգում խոտածածկ ամբողջ տարածքով:	քմ	1600	90	144000
5	77311600	խոտածածկերի և սիզամարգերի խնամք, հունձ, ոռոգում:	խոտածածկերը և սիզամարգերը անհրաժեշտ է հնձել սիզակալսիչով սեզոնին ոչ պակաս 3 անգամ, խոտի բարձրությունը պետք է չգերազանցի 15 սմ, ոռոգումը իրականացնել ելնելով եղանակային պայմաններից:	քմ	26000	18	468000

**Ծառեր**

1	77311600	Փոխարինման ենթակա ծառերի տնկում նախկին տեղում նոճի-30հատ դեկորատիվ լայնատերև - 240հատ դեկորատիվ փշատերև - 80հատ տեղափոխումով	Անհրաժեշտ է համայնքի տարածքում, մայթերի և նախկինում ծառատունկ իրականացված տարածքներում փոխարինել չորացած, ջարդված, հատած և հանված ծառերը, դրանք փոխարինել նախկինում գոյություն ունեցող տեսակով: Հիմնականում տնկիները կարող են լինել թխկի, հացենի, բարդի, լորենի, կատալպա, կարմիր կաղնի, սոճի, եղևնի, տույա և այլ տեսակներ, որոնց հասակը պետք է լինի 1,5մ (փշատերևները 1մ ) ոչ պակաս, ունենա առնվազն 3 ճյուղ, մազարմատային բավարար ցանց և անվնաս մայրարմատ (փշատերևները հողային կոմով թղթե պոլիէթիլենե կամ գործվածքե կտորով փաթաթված): Տնկիները պետք է լինեն 2-3 տարեկան:	հատ	350	2250	787500
2	77311600	Նոր ծառատունկ տերևավոր և փշատերև դեկորատիվ ծառերով տեղափոխումով:	Տնկիների հիմնական տեսակը տերևավորներ են, կարող են օգտագործվել նաև փշատերև ծառեր 3-4 տարեկան, հասակը 1,5մ-ից ոչ պակաս, արմատային բավարար և անվնաս ցանց, փշատերևները հողային կոմով, փաթթամ տեսքով: Փոսերը պետք է ունենան ոչ պակաս 50 սմ տրամագիծ և 50 սմ - ից ոչ պակաս խորություն: Հողային աշխատանքները իրականացվում են 4-րդ կարգի գրունտներում:	հատ	700	1250	875000
3	77311600	Ծառերի խնամք, էտում, ոռոգում, բների փխրեցում, պարարտացում:	Նորատունկ ծառերը անհրաժեշտ է մաքրել ավելորդ՝ բնի հատվածում ճյուղերից, գազաթին թողնելով առնվազն 3 ճյուղ, հողի հետլիցքից հետո թողնել փոքրիկ իջվածք, ոռոգման ջուրը պահպանելու համար, իսկ նախկինում տնկված ծառերի բնի չորս կողմը, մաքրել քուսականությունից փխրեցնել ձեռքով չվնասելով ծառը: Ծառերի ոռոգումը իրականացնել ելնելով անհրաժեշտությունից և եղանակային պայմաններից:	հատ	1320	450	594000

4	77311600	<b>Ծառերի էսթետիկ և պահպանողական սպիտակեցում:</b>	Սպիտակեցնող լուծույթը պետք է ունենա համապատասխան բաղադրություն, սպիտակեցվող մասի բարձրությունը պետք է լինի 1,0 մ -ից ոչ պակաս, ծառաբունը պետք է մաքրել չոր ճաքճքած կեղևից և փոշուց	հատ	350	720	252000
<b>Թփեր</b>							
1	77311600	<b>Թփապատվող տարածքների պարբերական մաքրում, փխրեցում, քաղհան, էտում, ոռոգում:</b>	Տարածքը որը ընտրված է թփապատման համար անհրաժեշտ է մաքրել աղբի, չորացած նստվածքային խտամնացուկների, չորացած ճյուղերից և տերևներից: Հավաքված աղբը անհրաժեշտ է բարձել ավտոինքնաթափ և տեղափոխել աղբավայր:	քմ	3100	140	434000
2	77311600	<b>Նոր տարածքների թփապատում տնկիներով, խնամք:</b>	Թփապատման համար անհրաժեշտ են տարածաշրջանում առավելապես օգտագործվող՝ նոճի ֆորչիցիա(դեղին ծաղիկ), ասպիրակ, կեղծ հասմիկ, բարբարիս, բիրյուչինա և այլ թփատեսակներ, որոնց բարձրությունը պետք է լինի ոչ պակաս 40 սմ, 2 - 3 տարեկան: Թփերը պետք է տնկվեն խրամուղում մինչև 20 սմ հեռավորությամբ և 20 - 30 սմ խորությամբ: Հողի հետլիցքը իրականացնել գետնի մակերևույթից ցածր ոռոգման նպատակով:	քմ	800	270	216000
3	77311600	<b>Գոյություն ունեցող թփապատվնասված տեղամասերի վերականգնում:</b>	Աշխատանքները անհրաժեշտ է իրականացնել անհրաժեշտ ձևավորման պահանջով, պարբերաբար ուղղել թերված տնկիները, տոփանել հետլիցքը, իրականացնել պահանջվող փխրեցում, տնկիների հարևանությամբ (մինչև 50 սմ լայնությամբ) վերացնել խտածածկը իրականացնել պահանջվող բարձրությամբ էտում, ոռոգումը ըստ անհրաժեշտության: Ճանապարհամերձ թփերը պետք է ունենան եռաշարք շախմատային դասավորվածություն:	քմ	400	190	76000
		<b>Ընդամենը</b>					6126700
		<b>Շահույթ 10%</b>					612670
		<b>Ընդամենը</b>					6739370

**Աշխատանքների կատարման ժամկետը**

սկիզբը	ավարտը
Պայմանագրի կնքման օրվանից	31.10.2019թ.

**Ճանդարտություն:** Կանաչապատման աշխատանքները իրականացնող կազմակերպությունը պետք է ունենա նմանատիպ աշխատանքների իրականացման փորձ:

### ՊԱՏՎԻՐԱՏՈՒ

<<Հայաստանի Հանրապետության Լոռու մարզի  
Ստեփանավանի համայնքապետարանի աշխատակազմ>>  
համայնքային կառավարչական հիմնարկ  
հ.Ստեփանավան, Սոս Սարգսյան փ/շ/ 1  
<< Ֆինանսների նախարարության  
գործառնական վարչության  
ՀՀ900252101473  
ՀՎՀՀ 06954104



*[Handwritten signature]*  
\_\_\_\_\_  
(ստորագրություն)

### ԿԱՏԱՐՈՂ

<<ԷՔՍԿԼՅՈՒԶԻՎ ՍԵՐՎԻՍ>>ՍՊԸ  
ք.Ստեփանավան Վիրահայոց մայրուղի 2.7  
"ԷՏՏ - Հայաստան բանկ" ՓԲԸ Ստեփանավանի մ/6  
ՀՀ16033017923700  
ՀՎՀՀ06946837



*[Handwritten signature]*  
\_\_\_\_\_  
(ստորագրություն)



ՎՃԱՐՄԱՆ ԺԱՄԱՆԱԿԱՑՈՒՅՑ\*

ՀՀ դրամ

		Աշխատանքի													
հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	անվանումը	դիմաց վճարումները նախատեսվում է իրականացնել 2019թ-ին՝ ըստ ամիսների, այդ թվում**												
			հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր	Ընդամենը
1	77311600	Ստեփանավան համայնքի կանաչապատման աշխատանքներ				1077131	2427106	3200186	3978722	4776497	5565307	6739370	6739370	6739370	6739370

\* Վճարման ենթակա գումարները ներկայացվում են աճողական կարգով:

**ՊԱՏՎԻՐԱՏՈՒ**

«Հայաստանի Հանրապետության Լոռու մարզի Ստեփանավանի համայնքապետարանի աշխատակազմ»  
 համայնքային կառավարչական հիմնարկ  
 հ.Ստեփանավան, Սոս Սարգսյան փ/շ/ 1  
 ՀՀ Ֆինանսների նախարարության գործառնական վարչության  
 ՀՀ900252101473  
 ՀՎՀՀ 06954104



(ստորագրություն)

Կ.Տ.

**ԿԱՏԱՐՈՂ**

«ԷԲՍԿԼՅՈՒՋԻՎ ՍԵՐՎԻՍ» ՍՊԸ  
 ք.Ստեփանավան Կիրահայոց մայրուղի 2.7  
 «ՎՏԲ –Հայաստան բանկ» ՓԲԸ Ստեփանավանի մ/Ը  
 ՀՀ16033017923700  
 ՀՎՀՀ06946837



(ստորագրություն)

Կ.Տ.